



**Mariae Virginis Sacratiss. Miracvlorvm Libri Tres**

**Vismara, Ercole**

**Mediolani, 1579**

Mirac. Virg. V. Miles, dum rei diuinae interest, cùm adesse proelijs  
oportebat, in acie acriter pugnans uisus est.

---

[urn:nbn:de:hbz:466:1-64305](#)

anima, inquit, eius ditioni addicta esse debet, cui moriens operam dabat; quis est, qui meam esse, negare audeat? quiq. ullam mihi faxit controversiam? & aduersetur? Negabatis ne, quin mihi inferuiret, quin mea caussa occupatus esset; si me precabatur, si aliquaquebatur, & appellabat? Audito almae uocis dulci sono, mitibusq. & suauissimis illis uerbis, quib. coelū solet exhilarari, euanuerunt tetri cacodoemones turpiter, atq. indecorè ingemiscentes. Praetereà è diuino cōspectu fuga disiecti fuerunt, nō aliter, atq. atræ nubes, uel nigrae umbrae, quas lucidus sol, uel candens, aer dissipat, ac discutit. Pauētem uero animam in imo sequanae fundo clementissima exsangui corpori reposuit; ad cuius nutum ab imo, usq. ad summum ita separatae fuerunt, & diuisae aquae; ut ad ripas eundi statim sacerdoti idonea occasio oblata fuerit. illum praetereà Virgo amanter, ac benignè monuit; ut se ab adulterio posteà contineret; nec se turpisimi eius peccati labe amplius inquinaret: ne quid accideret deterius. Eadem etiam suasit, ut conceptio- nis diem coleret. His dictis, ipso aspiciente, in coelum conscendit. Quarè sacerdos quaerens solitudinem, à mundo secessit, conceptionis festo diei diuinorum, atq. immortaleis honores largiens.

## MIRAC. VIRG. V:

*Miles, dum rei diuinæ interest, cùm adesse proelys oportebat, in acie acriter pugnans uisus est.*

**M**illes Virgini deditissimus!, dicta cū hostib. die, ad praelandum proficiscens, in ipso itinere ingressus

## LIBER PRIMVS.

7

ingressus fuit aedem ipsi Virgini sacratam; ut rei diuinae interesset. Verum, cum alij alijs sacrificia facturi succederent, erat. n. ibi magna sacerdotem copia, omnibus adesse statuens, longum ibi tempus consumpsit; ita ut proelio dirempto, pugnae finis factus fuerit. E templo ad copias proficisciens, suos redeunteis uidet laetitia plenos; uictoriāq. donum, & in patriā decorē afferenteis. Multi autem uictorū ipsi obuiam laeti concurrebant, eximiam eius uirtutem laudib. illustrantes; quod tam egregiam, ac strenuam operam in illo conflictu, & dimicatione nauasset; quod dq. singularia militaris uirtutis exempla edidisset. obstupecebat ipse, sed alij etiam, atq. alij id apertè testabantur, dicentes, ipsum inter agmina fortiter manum conseruentem uisum fuisse. Pius miles, qui tantam sibi gloriam bellicae laudis comparatam esse intelligebat; cum tamen nunquam hostem uiso, nec classicis auditis, eius congressus omnino fuisset expers; id sibi diuinitus accidisse intellexit. Quare, quod uitae reliquum fuit, totum sub felicib., & faustissimis Virginis signis, non sine immortali gloria militauit. Praeterea sub illo imperatore stipendia gesit, quem nulli bellorum apparatus, aut hostium minae terrere possunt; qui deuītis uniuersis pruincijs satanā debellauit; eiusq. opes disiecit, ac contrivit. Discant oēs hoc exemplo; quām longē à recta ratione soleant illi aberrare, qui uel minimum temporis negotijs suis detrahere grauantur, dum animo, ac mente rem diuinam facientib. breuisimum tempus adsint, eosq. audiant. Quid. n. mortali cuiquam potest diuinius accidere; quām cum illos audit, uidetq. qui ornatum, habitumq. humano augustinorem,

stiorem, sacrosanctum Christi corpus manib. gerunt; statioq., & solemnī illo sacrificio ante hominū conspectum efferrūt? Nullum, itā me Deus amet, tempus, nullaq. opera melius usquam cōsumitur. Quinimmo à christianis hominib., catholica fide purē imbutis, hoc primūm quaerendum est; cūm alia soleant postea felicissimè adjici. Hoc autem & quotidie nobis re ipsa comprobatur; & ratio ipsa docet. *Quis enim nō fortunatē euenturum sibi illum diem intelligit, cuius initium sit à sacris?*

## MIRAC. VIRG. VII.

*Simplex mulier, cuius filius in vinculis adseruabatur, è uirginis statuae gremio infantem abstulit; ut sibi sui restituendi illa esset adiutrix.*

**V**NICUM filium, familiae, ac senectae suae columen deliciasq. suas mulier habebat, in quo se oblectabat, in quo spem omnē sitā habebat. Is inimicorum odio, ac liuore, ob falsae accusationis crimen in carcerem detrusus; & in duris compedibus reuinctus est. Misera mulier pastis crinib. lacrymans, ad misericordiae, & pietatis reginam confugit; desperans, unquam futurum, ut filius absoluueretur, ni ipsa opem tulisset. Cūm saepius eius fidem, obtestata fuisset, se posteā moerore, & lacrymis conficiens, animum simplex despondere coepit. erat autem fortè Virginis statua, tenens infantem filiū in gremio; ad cuius pedes, pietatis caussa, saepè se proij cere ipsa consueuerat. Ex illius igitur statuae gremio misella